

四庫全書

子部

欽定四庫全書

子部

記纂淵海卷八十四
五

詳校官中書臣涂日煥

主事臣祁韻士覆勘

總校官降調編修臣倉聖脉

校對官中書臣高中

謄錄監生臣施華

欽定四庫全書

記纂淵海卷八十四

宋 潘自牧 撰

民業部

治家

經閑有家悔亡

易

家用平康

書

治家者不敢失於臣妾

而況於妻子乎

孝經

子嚴家無格虜

韓非子

教護其家父母之則也

管子

王凝御

家以四教勤儉恭恕正家以四禮冠婚喪祭三年之蓄

備則散之親族聖人之書及公服禮器不假垣屋什物必堅朴曰無苟費也門巷果木必方列曰無苟亂也

文中

子

史趙武曰夫子之家事治

左傳夫子謂范會也

田嬰使文主家

史記

本傳夫織畺筋力治生之正道也

史記貨殖傳

教答不可廢於

家

史記律書

人棄我取人取我與歲熟取穀予之絲繭凶

取帛絮與之食

欲長錢取下穀長石斗取上種能薄

飲食忍嗜慾節衣服與用事僮僕同苦樂趨時若猛獸

鷙鳥之發故曰吾治生產猶伊尹呂尚之謀孫吳用兵
商鞅行法故其智不足以與權變勇不足以決斷仁不
能以取予彊不能以有所守雖欲學吾術終不告之矣

蓋天下言治生祖白圭

史記貨殖傳

鞭扑不可弛於家

前漢刑法

志范蠡之陶為朱公治產積居與時逐而不責於人故

善治生者能擇人而任時十九年之中三致千金再散

後遂至巨萬

漢書貨殖傳

萬石君居家子孫申申僮僕訢訢

西漢石奮本傳任氏折節力田蓄富者數世然任公家約非田

蓄所生不衣食公事不畢則不得飲酒食肉以此為閤

里率

西漢貨殖傳

李通之父守為人嚴毅居家如官庭

東漢本傳

華歆遇子弟甚整雖閭室之內嚴若朝典 蜀王顯曰

今有人使奴執耕稼婢典炊爨鷄主司晨犬主吠盜牛

負重載馬涉遠路私業無曠所求皆足雍容高枕飲食

而已忽一日盡欲以身親其役不復付任勞其體力為

此碎物形疲神困終無一成豈其智之不若奴婢鷄犬哉

失為家主之法也

通鑑三國

戒束子孫雖朱紫羅列無敢犯

其法度者

通鑑晉海西公紀

貞元間言家法者尚韓穆二門

李巽雖在私家亦置案牘簿書勾檢公署焉

唐書閨門落

然不聞人聲

唐憲宗紀

房玄齡治家有法度

新唐書

集善統其家慈訓其子

白傅集

囊篋細碎無所遺漏

韓文

屋舍

經上棟下宇以待風雨

易

君子將營宮室宗廟為先

庫次之居室為後

晉獻文子成室晉大夫發焉張老

曰美哉輪焉美哉奐焉歌於斯哭於斯聚國族於斯文

子曰武也得歌於斯哭於斯聚國族於斯是全要領以

從先大夫於九京也北面再拜稽首君子謂之善頌善

禱

禮記

魯共王好治宮室壞孔子舊宅以廣其居

尚書序

子大厦成而燕雀相賀

淮南子

史齊景公謂晏子曰子之宅近市湫隘囂塵不可以居

請更諸爽塏者

左傳

開第康莊之衢

史記孟子子傳

詔為列侯食

邑者賜大第室食二千石從之長安受小第室

前漢高紀佳有

甲乙次第故曰第也

宣帝賜霍光家第一區

前漢傳

平恩侯許伯入

第蓋寬饒往賀

西漢蓋寬饒傳

新第成功堅

西漢董賢傳

紀瞻立宅

於烏衣巷

晉書

郭洋為太尉長史起大宅在高陵城西世

稱曰長史宅

三輔決錄

楷營新宅基宇甚麗當移住與兄遊

行牀帳儼然櫺軒疎朗兄心甚願之而口不言楷心知

其意便使兄住

裴楷別傳

魏舒少孤為外家甯氏所養甯起

宅相者云當出貴外甥舒曰當為外家成此宅相

王隱晉書

石崇有別館在河陽之金谷一名梓澤

晉書本傳

高門邃宇

北史號國中堂既成召工巧墁約錢二百萬復求賞技號

國以絳羅五百段賞之嗤而不顧曰請取螻蟻蜥蜴記

其數置堂中苟失一物不敢受賞

通鑑唐
玄宗紀

大臣將帥宦

官競治第宅各窮其力而後止時人謂之木妖

唐代
宗紀

裴

度治第石林幽勝煥館涼臺號綠野堂度野服滿散與

白居易劉禹錫為文章把酒窮晝夜相歡不問人間事

唐書

本傳

傳記廣室多陰遠天地之和也故聖人弗為

春秋
繫露

陳秀

公治第潤州池館綿亘數百步宅成公已疾甚肩輿一

登西樓而已人謂之三不得居不得修不得賣不得

沈括

存中述

筆談

集夏屋廣大沙堂秀尺 高堂邃宇層臺累榭網戶朱

綴砥室翠翹

楚辭

幽堂晝密

文選

仰視兮雲屋

班婕妤賦

羣竊

窈之華麗嗟內顧之所觀故其館室次舍采飾纖縟

西京賦

十

廡萬室

蜀都賦

金鋪交映玉題相輝

蜀都賦

累棟重雷葺墻

翼室

左太冲魏都賦

既節比而攢集又宏璉以豐敞

溫房承

其東序涼室處其西偏

何晏賦

邃宇列綺窓蘭臺接羅幕

甲第崇高闊

有所思

青樓臨大路高門結重關

美女篇

神靈

扶其棟宇歷千載而彌堅

王延壽賦

為之者勞居之者逸大

厦眈眈

東西膠轄南北崢嶸

土木丹彩光色如新

陳子昂賦

高樓對紫陌甲第連青山

太白集

高飛燕雀賀新成

杜詩

四壁含清風

韋應物非

樓閣玲瓏五雲起

白侍郎

高樓大觀

金堂玉戶

唐李愈東都集

經之營之門房洞褰列舉豐厨危危

掀掀

皇甫湜

廊腰縵回簷牙高啄

杜牧之

園池

經始命有園囿之樂焉

詩註

史楚子成章華之臺願與諸侯落之

左傳

深林絕澗有若

自然

東漢馮異傳

奇禽馴獸飛聲其間

同上

襄陽諸習氏荆土

豪族有佳園池

晉書山簡傳

宋簡文入華林園顧謂左右曰

會心處不必在遠翳然林木便自有濠濮間想也

世說上

美榭高墉

北史

穿池種木小寄情賞

南史徐勉傳

裴度治第石

林幽勝煥館涼臺號綠野堂度野服瀟散與白居易劉

禹錫為文章把酒窮晝夜相歡不問人間事

唐書本傳林薄

蒙翳

唐書孟郊傳

文宗用鄭注言即命左右神策軍差人淘

曲江昆明二池仍許公卿士大夫之家於江頭立亭館

以時追賞

唐書

集余既滋蘭之九畹兮又樹蕙之百畝

楚辭

爰定我居築

室穿池長楊映沼芳枳樹籬遊鱗逸潏茁茁數披竹木

蒨鬱靈果參差張公大谷之梨梁侯烏桕之柿周文弱

枝之棗房陵朱仲之李靡不畢植三桃表櫻胡之別二

李耀丹白之色石榴蒲萄之珍磊落蔓衍乎其側梅杏

郁棠之屬繁華藻麗之飾華實照爛言所不能極也菜

則葱韭蒜芋青筍紫薑薑薺甘旨蓼蔓音綏芬芳藂荷依

陰蔭藿向陽綠葵含露白薤負霜潘岳閒居賦園日涉而成

趣門雖設而常關歸去來辭盧園栖霞文選築山擬蓬壺穿

池類溟渤鮑明遠代君行岸旁花柳看勝畫浦上樓臺望是

仙張九齡詩香泉草豐潔杜詩瞰臨眇空闊綠淨不可唾韓詩水

容與天色此處皆綠淨斬茅而嘉樹列發石而清泉

激輦糞壤焚櫛翳却立而視之出者突然成丘陷者岬

然成谷窪者為池而缺者為洞若有鬼神異物陰來相之

韓文

將為穹谷巘巖淵池於郊邑之中則必輦山石溝

澗壑而求天作地生之狀咸無得焉逸其人因其地全其天昔之所難今於是乎在 見公之作知公之志公之因土而得勝豈不欲因俗以成化公之擇惡而取美豈不欲除殘而佑仁公之蠲濁而流清豈不欲廢貪而立廉公之居高而望遠豈不欲家喻而戶曉夫然則是堂也豈獨草木土石水泉之適歟山原林麓之觀歟

以白雲為簾籬碧山為屏風昭其儉也 決疏沮洳搜

剔山麓萬石如林 清風自生翠煙自留 綿谷跨谿

皆大石林立渙若奔雲錯若置碁怒者虎鬬企者鳥厲
決其穴則鼻口相呀搜其根則蹄股交峙環行卒愕疑
若搏噬於是剝闢朽壤剪焚榛蕪決澮溝導伏流散為
疎林洄為清池寥廓泓渟若造物者始判清濁效奇於
茲地非人力也豈天墜地出設茲神物文柳春之日衆木
華折岸鋪島織沈浮照耀其水五色於是乎襲馨摘奇

方舟逶迤樂魚時翻飄蒞雪飛沂公環迴隱映差池咫尺迷路不知所歸此則武陵仙源未足以極幽絕也夏之日石寒水清松密竹深大柳起風甘棠垂陰於是乎濯纓漣漪解帶升堂畏景火雲隔林無光虛覺沈沈皓歷如霜羽扇不搖南軒清涼此則楚襄蘭臺未足以滌炎鬱也秋之日金飈掃林蓊鬱洞開太華爽氣出關而來於是乎絃琴端若景物廓如月委浩素水涵空虛鳥驚寒沙露滴高梧境隨夜深疑與世殊此則庾公西樓

未足以澹神慮也冬之日彤雲千里大雪盈尺四眺無

路三堂虛白於是乎置酒褰裳憑軒倚楹瑤堦如真玉

樹羅生日暮天霽雲開月明冰泉潺潺終夜有聲此則

子猷山陰未足以暢吟嘯也

呂溫作號
州三堂記

豈而不侈約而

不陋以琴竹詩書之幽素易綺紈鐘鼓之繁喧惟林池

煙景不讓

呂叔
和文

春有錦綉谷花夏有石門洞雲秋有虎

溪月冬有爐峯雪陰陽顯晦昏旦含吐千變萬狀不可

殫紀覲縷而言

白樂
天集

四垂無蔽萬景全入落花芳草

無人處

劉賓客

花香逐陶令草色對王孫

劉長卿

峯奪香爐

巧池偷明鏡圓

沈文卿

當門竹勝簾

姚少監

俗塵不飛人意

自遠

劉賓客

本朝溫公營獨樂園在洛中諸園景最為簡素人以公

之故春時必遊

明道集

朝遊北城中回首見脩竹下有朱

門家破牆圍古屋舉鞭叩其戶幽響蒼空谷入門所見

多十步九移目異花蕪四方野鳥喧百族其西引溪水

活活轉牆曲東注入深林林深牕戶綠水光蕪竹淨時

有獨立鵠林中百尺松歲久蒼鱗蹙言惟此地少意恐
關中獨小橋過南園夾道多喬木隱如城百雉渥若丹
千斛陰陰日光淡黯黯秋氣蓄盡東為方池野鴈雜家
鶩紅稜鶩合抱映島孤雲覆春光水溶漾雪陣風翻撲
其北臨長溪波聲捲平陸我時來周覽問此誰所築云
昔李將軍負險乘衰叔此亭破千家鬱鬱城之麓何嘗
載美酒來此駐車轂人生營居止竟為何人卜何當辦
一身永與清景逐

東坡李氏園詩

農

經不耕穫不菑畲

易无妄

神農氏作斲木為耜揉木為耒

繫辭平秩東作平秩西成

書堯典

若農服田力穡乃亦有秋

盤庚

情農自安不昏作勞不服田畝越其罔有黍稷

同上

父菑厥子乃弗肯播矧肯穫

大誥

若稽田既勤敷菑惟其

陳修為厥疆畎

梓材

三之日于耜四之日舉趾同我婦子

饁彼南畝田畯至喜

詩七月

晝爾于茅宵爾索綯亟其乘

屋其始播百穀

同上

我田既藏農夫之慶

彼有不穫穉

此有不斂穧彼有遺秉此有滯穗伊寡婦之利

大田載芟

載柞其耕澤澤

載芟

其饒伊泰其登伊糾其鋤斯趙以媾

荼蓼

良耜

三農生九穀

周禮太宰

飭力以長地財謂之農夫

考工

記孟春王命布農事命田舍東郊善相丘陵阪險原隰

土地所宜五穀所殖以教道民

記月令

為國家者見惡如

農夫之務去草焉

左傳

政如農功日夜思之思其始而成

其終朝夕而行之行無越思如農之有畔譬如農夫

是穠是藂雖有饑饉必有豐年

並同上

樊遲請學稼子曰

吾不如老農

論語

長沮桀溺耦而耕 丈人植其杖而芸

並同

上

子不違農時穀不可勝食也

孟子

夫以百畝之不易為已

憂者農夫也

農夫豈為出疆舍其耒耜哉

深耕易

耨

並同上

事農則田墾田墾則粟多粟多則國富

管子

上農挾五

中農挾四下農挾三農有常業一農不耕民有為之饑

者

同上

良農不為水旱輟耕

荀子

史神農教民耕農故號曰神農

史黃帝紀

陳勝少時與人傭

耕嘗輟耕之隴上悵然曰苟富貴無相忘傭者笑曰若

為傭耕何富貴也勝太息曰嗟呼燕雀安知鴻鵠之志

哉本傳楊惲報孫會宗書曰田家作苦歲時伏臘烹羊炮

羔斗酒自勞酒後耳熱仰天拊缶而歌嗚嗚前本傳農夫

父子暴露中野不避寒暑捫山把土手足胼胝漢書農之

良者善養禾賈山至言諸葛亮躬耕隴畝好為梁父吟蜀本傳

明宗問馮道今歲雖豐百姓贍足否道曰農家歲凶則

死於流殍歲豐則傷於穀賤豐凶皆病惟農夫為然臣

記聶夷中詩云二月賣新絲五月糶新穀醫得眼前瘡
剗却心頭肉語雖鄙俚曲盡田家之情狀上命錄其詩

嘗諷誦之

五代史

傳記周家以農事開國

國語

旦暮從事於田野霑體塗足

同上農不失時則成之農失其時則敗之

六韜

集雉雉麥苗秀蠶眠桑葉稀

王維

日出布穀鳴田家擁鋤

犁

李白

歸閒事耦耕

同上

卜宅從茲老為農去國賒

杜詩

農月

須知課田家敢忘勤

同上

刈熟擔肩頽

韓詩

為農信可樂

柳詩

耜人先耦耕九扈鳴已晚楚鄉農事春

並同上

倉廩無宿

儲徭役獨未已方慚不耕者祿食出閭里

韋應物

老翁家

貧在山住耕種新田三四畝苗疎稅多不得食輸入官

倉化為土歲暮鋤犁倚空室呼兒登山收橡實江西賈

客珠百斛船中養犬食梁肉

張籍

凌晨起飯牛雙駕耕東

菑

儲光義

日吁嬾耕鋤登高望川陸空山足禽獸墟落多

喬木

同上

父耕原上田子斲山下荒六月禾未秀官家已

修倉

聶夷中

本朝田家何所樂臺登日相親

六一集

莒葉侯耕辰

同上西崦

人間應最樂煮葵燒筍餉耕人

東坡

卷野畢秋穫殷床聞

夜春歲晏風日暖人牛相對閒

勸農使者古大夫不

惜春衫踐泥塗

千人耕種萬人食一年辛苦一冬閒

但令黃犢無人佩布穀何勞也勸耕脫冠還作扶

犁叟

並同上

水秧綿綿復多稔龍骨長乾桂梁招鮒魚出

網徹洲渚荻笋肥甘勝牛乳

王介甫

南村北村同一犁新

婦餉姑翁哺兒

山谷

看人秧稻午風涼

同上

圃

經折柳樊圃

詩東方未明

二曰園圃毓草木

周禮太宰

任圃以樹

事貢草木

閭師

樊遲請學為圃曰吾不如老圃

論語

子子貢南遊於楚過漢陰見一丈人方將為圃畦鑿隧而入井抱瓮而出灌澹澹然用力甚勞而見功寡子貢曰有械於此一日浸百畦用力甚寡而見功多為圃者曰柰何曰鑿木為械後重前輕挈水若抽數如決湯其名為耨為圃者忿然作色而笑曰吾聞之吾師有機械

者必有機事有機事者必有機心機心存於胃中則純白不備吾非不知羞而不為也

莊子

傳記張老者揚州六合縣園叟也韋恕有女既笄張老延媒媼求娶之媼曰豈有衣冠子女肯嫁圃叟耶張老強之媼不得已入言之韋恕怒曰為吾報之今日內得五百緡即可未幾車載納於韋氏諸韋大驚曰吾度其必無今不移時而錢到當如之何遂許焉張老既取韋氏園業不廢蠶蔬不輟親戚惡之張老曰某王屋山下

有一莊明旦當歸耳他日可令大兄往天壇山南相訪

後如其言訪之蓋仙云

廣記

有一秀才求婚卜人曰君之

室方二歲在滑州郭南姓某氏其父母見灌園為業秀

才不樂徑詣滑訪之一日伺其父母出引女嬰使前以

細針內其顙中而去女竟無恙後秀才登第娶廉使女

其妻每天氣陰晦輒發頭痛醫者以藥封腦上有頃肉

潰出一針遂愈因訪問女之所出方知本圃者之女云

玉堂閒話

劉晏少妙道術遇道流三人飲酒極歡曰世間還

得似我輩否一人曰王十八後晏於衡山縣喫冷淘香
菜芳潔劉公問此菜何所得答曰縣有官園子王十八
能種此菜劉公訪王十八與俱歸其後劉公病已屬續
得王十八藥三九灌之蹶然而起逸史

集幾道泉澆圃交橫落幔坡杜詩圃畦新雨潤媿子廢鋤

來連筒灌小園並同上

蠶

經桑土既蠶書禹貢有鳴倉庚女執懿筐遵彼微行爰求

柔桑

詩七月

蠶月條桑

同上

十畝之間分桑者閑閑兮

十畝之間

婦無公事休其蠶織

禁原蠶者

周禮原再也

季春戴勝降

於桑具曲植籩筐后妃齋戒東鄉躬桑禁婦女毋觀省

婦使以勸蠶事蠶事既登分繭稱絲效功以共郊廟之服

記月

令

天子諸侯必有公桑蠶室卜三宫夫人世婦之吉者

使人蠶於蠶室桑於公桑

子五畝之宅樹墻下以桑匹婦蠶之則老者足以衣帛

矣

孟子

食桑而吐絲前亂而後治夏生而惡暑喜晴而悲

雨蛹以為母蛾以為父三俯三起事乃大已夫是之謂

蠶理

荀子賦篇

史正月上甲風從東方來宜蠶

史天官書

光武時野蠶成繭

被於山阜

後本紀

武德五年梁州野蠶成繭

唐書

尹思正為

青州刺史蠶至歲四熟

本傳

傳記東郭採桑之女項有大瘤齊閔王遊至東郭百姓

盡觀瘤女採桑如故王怪問之對曰父母教採桑不受

教觀大王王曰此奇女也遂聘為后齊國大治

列女傳蜀

之先有蠶叢帝又高辛時蜀有蠶女父為人所掠惟所
乘馬在其母誓曰有得父還者以此女嫁之馬聞言驚
躍而去數日父乃乘馬歸自此馬嘶鳴不肯齧草母以
告父父曰誓於人不誓於馬安有人而偶非類乎馬跑
父怒射殺之曝其皮於庭皮蹶然而起卷女飛去棲於
桑上女化為蠶食桑吐絲成繭蜀人塑女象披馬皮謂
之馬頭娘以祈蠶焉經張成見一婦人立宅東南角曰
此地是君蠶室正月半日可作白粥膏泛於其上以祭

之當令君家蠶業百倍成如其言果大得蠶

續齊諧記

園客

美姿貌常種五色香草忽有五色蛾集其上客收之生

花蠶焉有一女自來養蠶以香草飼之得繭百二十枚

大如瓮繅訖此女與園客俱去濟陰今有華蠶祠焉

女仙

錄

集綠條映素手採桑向城隅

李白

三日開箔雪團團先將

新繭送縣官已聞鄉里催織作去與誰人身上著

王建

本朝桑城日暖蠶浴

六一集

車鳴繅白繭桑葉正肥蠶食

飽

並同上

野人香火祝春蠶

東坡

扶桑大繭如瓮盎天女織

綃雲漢上

同上

當須了租賦豈暇恤襦袴前知寒切骨甘

心兩肝露

文與可

樵

經翹翹錯薪言刈其楚

詩漢廣

薪是穫薪尚可載也

大樵東

彼桑薪

白華

問士之子長幼長曰能負薪幼曰未能負薪

禮記

請無扞采樵者以誘之

左傳

其父析薪其子弗克負荷

同上

史朱買臣常刈薪賣以給食妻亦負戴相隨妻羞之求去買臣曰吾年五十當富貴今四十餘年矣姑待之妻詈曰如公終餓死溝中耳何能富貴買臣不能留乃聽其去後買臣為會稽太守云

前本傳

傳記郎詠隱西昌採樵為業或擔至郡中人買之則曰我西昌逸士酒中人也今獻公所缺公當惠我所好

廬陵

記王質入山採樵見二童子奕棋所持斧置坐而觀之

童子曰汝斧柯爛矣質歸鄉閭無復時人

述異記見謀類

集或山而樵

韓文

雪逕抵樵叟

同

採薪隴坂長

李白

樵蘇遠

相號

柳詩

野迴樵唱來

同上

谷口樵歸唱

杜詩

本朝行歌採樵去

六一集

薪歌曉入浦

同上

樵童忽兩三

東坡

偶隨樵父採都梁竹屋松扉試乞漿

有如採樵子入

洞聽琴筑

尋山跨坑谷騰趨筋骨強

並同上

牧

經爾牧來思何蓑何笠或負其餽

詩無羊

牧人乃夢衆維

魚矣旄維旃矣大人占之衆維魚矣實維豐年旄維旃

矣室家溱溱

同上

在垆之野垆四曰藪養蕃鳥獸

周禮太宰

牧

人掌牧六牧而阜蕃其物以共祭祀之牲牷

牧人

牛有牧

馬有圉

左傳

予今有受人之牛羊而為之牧之者則必為之求牧與

芻矣

孟子

孔子嘗為乘田矣曰牛羊茁壯長而已矣

同上

君

見牧羊者乎百羊而羣使五尺童子荷箠而隨之欲東

而東欲西而西使堯牽一羊舜荷箠而隨之則不能矣

列子百里奚爵祿不入於心故飯牛而牛肥使穆公忘其

賤而與之政

莊子

臧與穀二人相與牧羊而俱亡其羊問

臧奚事則挾筴讀書問穀奚事則博塞以遊二人者事

業不同其於亡羊均也

同上

史卜式不願為郎上曰吾有羊在上林子為牧之式乃

布衣草履而牧羊歲餘羊肥息上善之式曰非獨羊也

治民亦猶是矣以時起居惡者輒去無令敗羣上奇其

言

漢書

匈奴徙蘇武置北海上使牧羝羝乳乃得歸公

孫弘牧豕海上

並同上

李密感厲讀書以蒲羈乘牛掛漢

書一帙於牛角上行且讀

唐書

傳記甯戚侯齊桓公出扣牛角歌曰南山燦白石爛生
不遭堯與舜禪短布衣單纜至斲從昏飯牛至夜半長
夜漫漫何時旦桓公召之因以為相

三齊
畧記

初平牧羊有

道士將入金華山石室中四十餘年其兄初起尋之道
士引至山中相見兄問羊何在初平曰近在山東初起
往視但見白石無數還曰無羊初平與兄俱往叱之云
羊起於是白石俱起成羊

關

牧歌竹

枝詞者乘牛扣角至寺而歌

闕

公家貧自

牧牛與里中兒更甘為牛師

廣記

集閒時田畝中搔背牧鷄鵝

李白驪

山茂陵盡灰滅牧牛

之子來攀登

同上

斜陽照墟落窮巷牛羊歸野老念牧童

倚杖候荆扉

王維

牛羊晚自歸兒童戲野田

王貞白

稼穡既

自務牛羊還自牧

儲光義

牛羊識童僕向夕自相呼

杜詩

草

肥朝牧羊

鄭谷

本朝乞我一牧童林間聽橫笛

山谷

漁

經包義氏作結繩而為網罟以佃以漁

易繫辭

其釣維何

維絲伊緝

詩何彼穠矣

毋逝我梁毋發我笱

谷風及小弁

敝笱在

梁

敝笱

魚麗於罟

麗魚

南有嘉魚烝然罩罩

南有嘉魚

之子於釣

言綸之繩

其釣維何維魴及鱖

采鱖

獻人掌以時獻與梁

春獻王鮪辨魚物為魚鱣鼈以共王膳羞

周禮

公矢魚於棠

公羊曰公如棠觀魚登來百金之魚而張之注云張網

羅也登來美問大得也

春秋公羊傳

子釣而不綱

論語

魚已而大魚食之牽巨鉤陷沒而下驚揚而奮鬚白波
若山海水震蕩聲侔鬼神燁赫千里自淝河以東蒼梧
以北莫不厭若魚者

莊子

莊子釣於渭水楚王使大夫二

人往先焉曰願以境內累矣莊子持竿不顧曰吾聞楚
有神龜死已三千歲矣王巾笥而藏之廟堂之上此龜
者寧其死為留骨而貴乎寧其生而曳尾於塗中乎二
大夫曰寧生莊子曰往矣吾將曳尾於塗中

同上

子思居

衛衛人釣於河得鮓魚焉其大盈車子思問何以得之

對曰吾一釣而垂一魴之餌。鯛過而弗餌。更以豚之半。

體則吞之子。思曰。鯛雖難得。貪以死餌。士雖懷道。貪以

死祿。

孔叢子

太公釣隱溪五十六年矣。而未嘗得一魚。魯

連往而觀之。太公跪石隱崖。且不餌。而釣。仰詠俯吟。及

暮而釋竿。

符子

聖人以道德為竿。綸以仁義為鉤。餌投之

天地間。萬物孰非其有哉。

淮南子

史舜漁雷澤。雷澤之人皆讓居。

史記

呂望窮困。年老以漁

釣于周西伯。

同上詳見琴操類

韓信至淮陰城下。釣有一漂母

哀之與之食

前本傳

臨川羨魚不如退而結網

禮樂志又董仲舒傳

作臨淵

嚴光字子陵少與光武同遊帝思其賢令物色訪

之齊國上言有一男子披羊裘釣澤中乃聘之除諫議

不屈耕於富春山後名其釣處為嚴陵瀨

後漢書

左慈字

元放嘗在曹公座公曰今日高會所少者吳松江鱸魚

為鱠耳元放因求銅盤貯水以竿餌釣於盤中須臾引

一鱸魚出

方術傳

翼莊惟以弋釣為事及長不復獵或問

漁獵曰是害生之事而先生止去其一何哉莊曰獵自

我釣自物且夫貪餌忘釣豈我哉

晉書

陶侃少時漁於雷

澤嘗網得一織梭以掛於壁有頃風雷化為龍而去

同上

宋文帝嘗與羣臣臨天泉池垂綸良久不獲景文越席

曰臣以為垂綸者清故不獲貪餌

南史

王弘之性好釣或

問曰漁思得魚賣否曰亦自不得得亦不賣

同上

傳記善釣者引魚於千仞之下餌香也

呂氏春秋

太公釣於

慈泉

同上

呂望釣於渭渚三日三夜魚無食者農人曰子

將復釣必細其綸芳其餌徐徐而投之無令魚駭望如

其言初下得鮒次得鯉剝腹得書曰呂望封於齊

藝文類聚

周文王至磻溪見呂望文王拜之尚曰望釣得玉璜刻

曰周受命呂佐

尚書帝命驗

宓子賤為單父宰陽晝曰有釣

道二焉請以送子投綸餌迎而吸之者陽鱈魚也薄而

不美若亡若存若食不食者魴魚也薄而厚味子賤未

至單父冠蓋交接於道子賤曰車驅之陽晝所謂陽鱈

者至矣

說苑

揚州太守閻丘會僚友於轉沙亭令漁戶曰

得魚多者有賞有一漁人以肉物作塊散懸於網上凡

十網得魚三千六百太守詢之曰魚喜鹿胎香適散懸

者乃此物也

楊州事跡

楚江邊有漁者或問之曰君之漁隱

人之漁邪漁人之漁邪漁者曰昔姜牙之漁嚴子陵之

漁書於青史皆以為隱人之漁也殊不知不釣其名耶

若以漁人之漁但以月白風和浪靜得魚供庖宰一身

足餘則易酒獨醉又焉知隱人之漁漁人之漁也

瀟湘錄

張志和居江湖自稱煙波釣徒著玄真子以自號垂釣

不設餌志不在魚也

魚歌錄

集屈原既放行吟潭畔顏色憔悴形容枯槁漁父見而
問之曰子非三閭大夫與何故至於斯屈原曰舉世皆
濁而我獨清衆人皆醉我獨醒是以見放漁父曰世皆
濁何不溷其泥而揚其波衆皆醉何不餽其糟而啜其
醑屈原曰新沐者必彈冠新浴者必振衣安能以身之
察察受物之汶汶者乎漁父鼓枻而去歌曰滄浪之水
清兮可以濯吾纓滄浪之水濁兮可以濯吾足

楚辭
解 綿州

江水之東津魴魚鱗鱗色勝銀漁人漾舟沉大網截江

一擁數百鱗衆魚常才盡却棄赤鯉騰出如有神潛龍

無聲老蛟怒迴風颯颯吹沙塵

杜詩

蒼江魚子清晨集設

網提網萬魚急能者操舟疾若風撐突波濤挺叉入小
魚脫漏不可紀半死半生猶戢戢大魚傷損皆垂頭屈
強泥沙有時立 強擬晴天理釣絲 接縷垂芳餌

試問垂綸客

把釣待秋風

並同上

狂歌從此別垂釣滄

浪前

李白

羽沉知食駛緡細覺牽難

韓詩

坐厭親刑柄偷來

傍釣車

吾黨侯生字叔起呼我持竿釣溫水平明鞭

馬出都門盡日行行荆棘裏溫水微茫絕又流深如車
轍闊容輶蝦蟆跳過雀兒浴此縱有魚何足求我為侯
生不能已盤針擘粒投泥滓晡時堅坐到黃昏盡日持
竿方一起暫動還休未可知蝦行蛭度似皆疑忽然舉
線若有得一寸纔分鱗與鬣君欲釣魚須遠去大魚
豈肯居沮如又魚春岸闊此興在中宵中鱗憐錦碎
當目訝珠銷競多心轉細得雋語時囁潭聲知存寡
舡平覺獲饒盈車欺故事飼犬驗今朝獺去愁無

食龍移懼見燒如棠名既誤釣渭日徒消

並同上

漁澤從

鱖魴

詩柳

去來伊洛上相待安箴單

詩柳

我為一寸鉤欲釣

千丈流

魚翁夜傍西巖宿曉汲清湘燃楚竹煙銷日

黯不見人欸乃一聲山水綠

並同上

雨來蓴菜流船滑春

後鱸魚墜釣肥

皮日休

西塞山邊白鷺飛桃花流水鰕魚

肥青箬笠綠蓑衣春江細雨不知歸又曰釣臺漁父褐

為裘兩兩三三舴艋舟能縱棹慣乘流長江白浪不曾

憂

張志和

本朝陸龜蒙升舟設蓬席齋束書茶竈筆牀釣具往來
時謂江湖散人或號天隨子甫里先生自比涪翁漁父

江上丈人

自叙

采江之魚今朝船有鱸采江之蔬兮暮筐

有蒲左圖且書右瑟與壺

陸龜蒙

苓箸苦難滿

六一集苓箸取魚器

也向暮卷空罾

同上

漁蓑句好真堪畫

東坡

還有江南風物

好流水鰕魚肥

仰看雲天真弱笠旋收江海入蓑衣

千首新詩一竿竹不應空釣漢江槎何日西湖尋舊

賞淡煙踈雨暗漁蓑

漁父飲誰家去魚蟹一時分與

酒無多少醉為期彼此不論錢數漁父醉蓑衣舞醉裏
却尋歸路孤舟短棹任縱橫醒後不知何處漁父醒春
江午夢斷落花飛絮酒醒還醉醉還醒一笑人間今古
漁父笑輕鷗舉漠漠一江風雨江邊騎馬是官人借我
孤舟南渡並同上一江風月趁漁船山谷寧容網目漏吞舟
誰能烹鮮作苛碎后山

獵

見禮儀部田獵類

工

經若作室家既勤垣墉惟其塗既茨若作梓材既勤樸

斲惟其塗丹雘

書梓材

五曰百工飭化八材

周禮太宰

攻木之

工七輪輿弓廬匠車梓攻金之工六築冶鳧鼎段桃攻

皮之工五函鮑鞞韋裘設色之工五畫績鍾筐幌刮摩

之工五玉櫛雕矢磬搏埴之工二陶旒

考工記

百工之事

皆聖人之所作也

同上

天子之六工曰土工金工石工木

工獸工草工典制六材

記曲禮

子為巨室則必使工師求大木

孟子

離婁之明公輸子之

巧不以規矩不能成方圓 梓匠輪輿能與人規矩不

能使人巧 大匠不為拙工改廢繩墨 大匠誨人必

以規矩學者亦必以規矩

並同

梓慶削木為鐻見者驚

猶鬼神

莊子

鄭人堊漫其鼻端若蠅翼使匠石斲之匠石

運斤成風盡垺而鼻不傷 工倕旋而蓋規矩指與物

化而不以心稽

輪扁曰斲輪徐則甘而不固疾則苦

而不入不徐不疾得之於手而應之於心臣不能以喻

臣之子臣之子亦不能受之於臣是以行年七十而老

斲輪

並同上

周穆王巡狩有獻工人名偃師王問曰若有

何能曰臣之所造能倡者穆王驚視之趣步俯仰信人

也巧夫鎮其願則歌合律捧其手則舞應節千變萬化

惟意所適穆王曰人之巧乃可與造化者同功乎詔貳

車載之以歸夫班輸之雲梯墨翟之飛鳶自謂能之極

也聞偃師之巧終身不敢語藝而時執規矩

列子

史申屠蟠家貧傭為漆工郭林宗見而奇之

後漢書

宋武

平關中得姚興指南車有外形而無機杼每行使人於

內轉之昇明中齊高帝使祖冲之改造銅機圓轉不窮

而向方如一馬均以來未之有也

南史

祖冲之以諸葛亮

有木牛流馬乃造一器不用風水施機自運不勞人力

冲之有造千里船於新亭江試之日行百餘里

並同上

隋煬帝北巡宇文愷造觀風行殿上容衛者數百人下

施輪軸推移倏忽有若神功

北史

裴延齡大搜市廛逮捕

匠徒迫脅就工號曰敕索弗離其直名曰和顧弗與之

庸書唐號國中堂既成召工巧塲約錢二百萬號國以絳

羅五百段賞之嗤而不顧曰請取螻蟻蜥蜴記其數置堂中苟失一物不敢受直

玄宗紀

傳記始皇起雲明臺窮四方珍木天下巧工有二人皆虛騰緣木運斤斧於雲中子時起工至午時已畢故云

子午臺也

拾遺錄

凌雲臺樓觀極精巧恒隨風搖動而終

無崩隕魏文帝懼其勢危別以大材扶持之樓即傾壞論者謂輕重力偏故也

世說

魯般燬煌人巧侔造化於涼

州造浮屠作木鸞每擊楔三下乘之以歸六國時公輸

班亦為木鳶以窺宋城

雜

北齊有沙門靈昭有巧思武

成帝令於山亭造流杯池船每至帝前引手取杯船即

自往上有木小兒撫掌遂與絲竹相應飲訖放杯便有

木人刺還飲若不盡船終不去

廣記

集班倭棄其剗劖分王爾投其鉤繩

甘泉賦

夫大木為杗細

木為桷榑櫨侏儒椳闌扂楔各得其宜施以成室者匠

氏之工也

韓文

木之就規矩在梓匠輪輿不善為斲血

指汗顏巧匠旁觀縮手袖間

並同上

裴封叔之第在光德

里有梓人欸其門願傭隙宇而處焉所職尋引規矩繩墨家不居礱斲之器其後京兆尹將飾官署委羣材會衆工梓人左執引右執杖而中處焉量棟宇之任視木之能舉揮其杖曰斧彼執斧者趨而右顧而指曰鋸彼執鋸者趨而左俄而斤者斲刀者削皆視其色俟其言莫敢自斷者既成書於上棟曰某年某月某日某建則其姓字也凡執用之工不在列

柳文

本朝開寶寺塔都料預浩所造塔初成望之勢傾西北

人問之浩曰京師多西北風吹之不百年當正也國朝以來木工一人而已有預都料木經三卷行於世

闕

商賈

經日中為市致天下之民聚天下之貨交易而退各得其

所蓋取諸噬嗑

易繫辭

懋遷有無化居

書益稷

六曰商賈阜

通貨賄注云行曰商處曰賈

周禮太宰

以商賈阜貨而行市

司或通四方之珍異以資之

考工記

秦師伐鄭商人弦高

遇之以乘韋先牛十二犒師且使遽告於鄭

左傳

韓宣子

有玉環其一在鄭商宣子請之子產不與韓子買諸賈人既成價矣賈人曰必以聞子產曰昔我與商人皆出自周世有明誓以相信也曰爾無我叛我無強賈爾有利市寶賄我勿與知今吾子以好來辱敝邑而謂敝邑強奪賈人是教敝邑背明誓也

同上

子商賈皆欲藏於王之市行旅皆欲出於王之塗

孟子子市

屨而不征法而不屨則天下之商皆悅而願出於其路矣古之為市也以其所有易其所無者有司者治之

耳有賤丈夫焉必求壠斷而登之以左右望而罔市利

人皆以為賤故從而征之征商自此賤丈夫始矣

並同上

良賈不為折閱不市

荀子

楚人有賣其珠於鄭者為木蘭

之櫃薰桂椒之櫝綴以珠玉飾以玫瑰輯以翠羽鄭人
買其櫝而還其珠此可為善賣櫝矣未可謂善鬻珠也

韓子

市井相與言則以財與利

揚子

史貪賈三之廉賈五之

史記

孔氏用冶鐵致富因通商賈

之利故南陽行賈盡法孔氏之雍容

天下熙熙皆為

市來天下穰穰皆為市往

史貨殖傳序

百里不販樵千里不

販糴

同上

商賈大者積貯倍息小者坐列販賣操其奇贏

日遊都市乘上之急所賣必倍

前食貨志

乘堅策肥履絲曳

縞此商人所以兼并農人所以流亡也

同上

灌嬰以販繒

為業

漢書

張湯始為小吏乾沒與長安富賈田甲魚翁叔

之屬交私

漢高祖令賈人不得衣綵乘車重租稅以困

辱之孝惠高后時為天下初定復弛商賈之律

並同上

富

商賈或滯財役貧轉穀百數廢居居邑

前食貨志

宋劉伯龍歷

位九卿郡守貧窶尤甚嘗在家慨然將營什一之利一

鬼在傍撫掌大笑伯龍嘆曰貧窮固有命乃復為鬼所

笑

南史

何晏父細脚胡通商入蜀因致巨富號為西州大

賈

北史

傳記段干木晉國之大駟

呂氏春秋

柳仲郢有婢失意鬻之

女僧導於刺史藍巨源他日巨源召鬻綾羅者酬酢可

否柳婢失聲而仆命輿還女僧家翌日詰其所苦曰某

雖賤人曾為柳家細婢死則死矣安能事賣綾羅牙郎

乎

廣記

有貧人止販隻瓮夜宿瓮中心計曰此瓮賣之其

息已倍遂可販二瓮自二而四其利無窮遂喜而舞不

覺瓮破

小記

集商賈百族裨販夫婦鬻良雜苦蚩眩邊鄙

西京賦

卷列

千所羅居百族則能目語額瞬談智於尺寸之間窺窬

於分毫之際

成伯陽賦

吏非商也吏而商汙吏之為商未若

廉吏之為商也

柳文

五方之賈以財相雄而鹽賈尤熾或

云賈雄則農傷予感之作賈客詞

劉禹錫

冒良芳之巧言

數量衡於險手抄忽之差鼓舌僇僇詆欺相高詭態橫

出

同上

天外賈客歸

李白

本朝晨裝赴徒旅夕宿訪問井

六一集

門前商賈負椒藪

山後咫尺連巴蜀

東坡

未能逐什一安得搏九萬

同上

記纂淵海卷八十四

欽定四庫全書

記纂淵海卷八十五

宋 潘自牧 撰

釋部

佛

史漢驃騎將軍霍去病出隴西過焉支山收休屠祭天

金人顏師古曰今佛像是其遺法也

西漢

初帝聞西域有

神其名曰佛因遣使之天竺求其道得其書及沙門以
來其書大抵以虛無為宗貴慈悲不殺以為人死精神

不滅隨復受形生時所行善惡皆有報應故所貴修煉精神以至為佛善為宏闊勝大之言以勸誘愚俗精於其道號曰沙門於是中國始傳其術圖其形像而王公

貴人獨楚王英最先好之

通鑑漢明紀

專尚釋氏遠近成風

無不事佛

梁高祖

客問三教李士謙曰佛日也

北史魏本傳

隋

初民間佛書多於六經數十百倍

通鑑隋紀

功德使上言鳳

翔法門寺塔有佛指骨相傳三十年一開開則歲豐人

安上遣中使僧衆迎之

通鑑唐憲宗元和十三年

傳記浮屠佛也佛者漢言覺也將以覺悟羣生也沙門者漢言息也盖息意去欲而歸于無為也

袁宏漢記

集相貌既闢辟容已安

選碑

金姿寶相永藉安

選行狀

佛法

入中國邇來六百年庶民逃賦役高士著幽禪

韓詩

佛之

道轉惑見為真智即羣迷為正覺捨大闇為光明

柳文西軒

記

國無有三惡八難人無有十纏九惱

柳文永州龍興寺記

信士

圖為佛像法相甚具焉浮圖事神而語大金仙氏之

道蓋本於孝敬而後積以衆德歸於空無其敷演教戒

於中國者離為異門曰禪曰法曰律以誘掖迷濁

並柳文

仲尼之有十哲猶如來之有十大弟子迦葉阿難須菩

提舍利佛迦旃延目乾連阿那律優婆離羅候羅是也

白傅集

是法平等故所至為淨土是身應供故隨念降生

劉賓客

清淨不染花中蓮捧持世界百億千

同

眸容瑞相

並同上

三十二相具八十一種好備

歐陽行周

金蓮捧足寶珠

垂髻

王建集

本朝金仙氏之教有自來矣天毒之國實紀於山經竺

乾之師嘗聞于柱史西京名將得休屠天祭之人東漢

諸王為蒲塞桑門之饌

楊文公處州金沙院記

佛晦靈迹骨生舍

利應現無方佛之靈骨金剛不朽劫火不燒金剛之骨

資育擊以千鈞之力終莫能毀

類要吳孫權時僧會所言

僧

史初帝聞西域有神其名曰佛遣使之天竺求其道得

其書及沙門以來其書善為宏闊勝大之言精於其道

者號沙門

通鑑漢明帝紀

趙主石勒以天竺僧佛圖澄預言成

敗數有驗敬事之及虎即位奉之尤謹衣以綾綿乘以
雕輦明會之日太子諸公五日一朝國人化之率多事
佛澄之所在無敢向其方面涕唾者爭造寺廟削髮出

家

通鑑晉
成紀

秦王興以鳩摩羅什為國師奉之如神親率

羣臣及沙門聽羅什講佛經三百餘卷大營寺塔沙門
坐禪者嘗以千數公卿以下皆奉佛由是州郡化之事
佛者十室而九

晉安
紀

帝以惠琳道人善談論因與議朝

廷大事遂叅權要賓客輻輳門車嘗有數十兩四方贈

賂相係方筵七八座上賞酒琳著高屐披貂裘置通呈

書佐會稽孔顗嘗詣之遇賓客填咽暄涼而已顗慨然

曰遂有黑衣宰相可謂冠屨失所矣

通鑑南史
宋高祖紀

時佛教

盛於洛陽中國沙門之外自西域來者三千餘人

通鑑
梁武帝

帝天監
八年

魏自正光以後僧尼至二萬人

通鑑梁
高祖

閔王延

鈞度民二萬為僧由是閩中多僧

唐明
宗紀

勅天下寺院非

勅額者悉廢之禁私度僧尼是歲天下見僧四萬二千

四百四十四

周世宗顯
德二年

傳記晉道安受業於佛圖澄澄姓帛氏以師莫過於佛遂

以釋為姓

類記
事始

四姓為沙門皆稱釋種

增一阿
含經

沙門有三坐

禪為上輩助眾為下輩

無為
經

僧曰苾芻本是草名有五義

一生不背日二冬夏常青三體性柔軟四香氣遠騰五引

蔓旁布為佛弟子理義亦然其精至者號為沙門

尊勝
經

百

尺竿頭須進步十方世界是全身

傳燈
錄

後漢明帝遣蔡愔等

天竺訪僧見摩騰乃要還漢地此中國有僧之始史略曰明

帝聽陽城侯劉峻等出家此又中國人為僧之始

事物
紀原

集法輪明智日慧海度慈航

梁昭明太子詩

戒珠靡鐵忍鎧無

違智燈含影慧駕馳騑

梁簡文帝

慧日低輪下禪枝而返照

法雲凝蓋浮定水以涵光

王駱賓

燒葉成香早得熏修之

漸拂花為供都忘染著之疑

崔融懷素律師碑

擯俗捨家投簪

落采衣屏繒續食惟菰麥

同上

惟有牟尼珠可照濁水源

杜戒珠如水獨潔麒麟之行法寶如山普聞獅子之吼

燕公集

梵旅時出寺

杜

禪師都未知名姓始覺空門氣味

長

同上

願將功德水從此灌塵機

孟浩然

法雨晴飛去天花

畫下來

同上

百千萬劫菩提種八十三年功德林

八十歲

若

不乘持僧行苦將何得答佛恩深慈悲不瞬諸天眼清

淨無塵幾地心每歲入關家九度

戒律

慙慙一戒重千金

白傳集

以無為為心地以不二為法門

口藏宣傳十二

部心臺照耀百千燈

以真如不二之宗助清淨得一

之化

蓮花法藏心懸悟具葉經文手自書

蓄為道

粹揭作僧豪

道場半夜香花冷猶在佛前禮佛名

並同

上錫杖隨緣草廬入定行止依頭陀之法住持遠聲利

之嫌

裴休元和尚碑

講法則金蓮冬敷頓錫則靈泉湧溢

李華徑山

碑

晉宋尚法故為碑者多法梁尚禪故碑多禪法不周

施禪不大行而律存焉故近世碑多律

柳宗元

道源生之

善根宿植深嗜法語忘甘露之味

脩最上乘解第一

義無體空折色之跡而造乎真源通假有借無之名而

入於實相

並同上

燈前便是觀心處

元微之

心超幾地行無

處雲到何天住有期頓見佛光身上出已蒙衣內綴牟

尼

同客

八部天人入道場

劉賓客

慕道遵壇削之儀

同上

貝葉文

劉長卿

遠岳迴飛錫空門卧白雲

山僧獨住山

中老惟有寒松見少年

作梵連松韻焚香入桂叢惟

將舊瓶鉢却寄白雲中

花門午時飯雲外青山鐘滿

腹萬餘卷息機三十年

身隨敝履經殘雪手綻寒衣

入舊山獨向清溪依樹下空留白日在人間

老鶴無

衰貌寒松有本心

並同上

祇恐為僧心不了為僧得了盡

輸僧

杜荀鶴

童子為僧今白首暗鋤心地種閒情時將舊

衲添新線披坐披行過一生

同上

韓愈貶潮州浮圖之士

歡快獨師憤起求序以資適潮不顧險毒

皇甫湜

自翻貝

葉偈人施福果衣

姚少監

上人從儒至道從道至釋如歷

星月以得白日若棄扇翼而洒清風

歐陽行周

寂寂方丈內

瑩然虛白門千燈智慧心片玉清羸顏

同上

登滿足地超

究竟天

王建

法向空林說心隨實地平

王建

欲結三天社初

降十地魔

許用晦

心出是非外跡辭榮辱中禪心空已寂

世路任為岐到院客長見閉關人不知寺喧聽講絕厨

遠送齋遲

並同上

水月通禪觀魚龍聽梵聲

錢起

獨樹月中

鶴孤舟雲外人榮華長指幻衰病久觀身

張承告

師步有

雲隨師情惟鶴知

方雄飛

讀盡龍王宮裏書

劉禹錫

善師了

達無牽束竹徑生苔晝掩門

方雄飛

佛不遠人即心而證

法無所著究竟皆知

權載之

雖然到城郭衣上不棲塵

孟東

野

駕橫海之大航拯迷塗於彼岸

唐文粹

闡律藏而日月

光明騁辨才而龍象蹴踏

同上

千峯明一燈愛僧不愛紫

衣僧

鄭谷

一瓶一鉢垂垂老

唐僧賈休詩

空門氣味長

同上

本朝清譽落人間

臨川

如不動山如常撞鐘如一水月如

萬竅風

東坡

領袖萬僧

同上

開不二門設無盡藏

道價喧

宇宙

陳後山

人皆趨世出世者誰人皆遺世世誰為之爰

有大處比兩間非濁非清非律非禪

東坡集

心開寶月嬋

娟處身寄浮雲出沒間

樂城集

臨夏巾鉞誰與共迎秋水

石不勝閒

師始以法教人叩之必鳴如千石鐘來不

失時故人皆以辯名之及其退居此山閉門燕座寂默

終日葉落根榮如冬枯木風止波定如古澗水故人以

訥名之

並同上

彼有釋氏子願力何堅固疏食十四春蓮

經一萬部尸庭未嘗出唇齒欲爛腐邇來功行滿漸覺

休息處

閒詠詩

遠公初度江道譽藹東晉

參寥子詩

講說

史秦王興以鳩摩羅什為國師親帥羣臣及沙門聽羅

什講佛經又命羅什翻譯經論三百卷

通鑑晉安帝紀

據法座

講大覺凡在瞻聽塵蔽俱開

梁武天監八年

支道林許掾共在

會稽支為法師許為都講支通一義四座莫不厭心許

送一難衆人莫不忭舞

世說

傳記以智慧刀裂煩惱網

金光明經

以智慧劍破煩惱宅

維摩

經

聽聞妙法如飲甘露

本淨禪師曰若欲求佛即心

是佛若欲會道無心是道

傳燈錄

集能令梵志達亦使羣魔驚

梁元帝聽講詩

以智慧火燒煩惱

薪

陳徐陵長干寺碑

伏智慧劍破煩惱軍

盧藏用

說法動海岳遊

方化公卿微言注百川疊疊信可聽一風鼓羣有萬賴

各自鳴

李白

黃金獅子承高座白玉麈尾談重玄

同

登法

席居講坐緇素觀聽天龍圍繞搖塵尾而析理風生弄

象鼻而吐辭河注震雷霆之法鼓聾俗知驚整日月之

慈燈幽途識曉

崔法
雄碑

扶開生育眼擺去煩惱塵燭以智

慧日灑之甘露津千界一時度萬快無與隣

白傳
集

口藏

宣傳十二部

同

開善誘之門方便之力

白

拯苦海之沉

溺救火宅之燒焚

啟覺路之緘騰發空門之扁鐫

並

上高筵談柄一麾拂講下聽徒如醉醒

劉賓
客

十方傳句

偈八部會壇場

外道邪山千萬重真言一掃盡摧鋒

並同

講席邀談柄

孟浩
然詩

觀中人滿坐觀外後至無地無由聽

韓愈華山女詩

一雨普沾於衆緣萬賴各吹於本分

張說

晉遠法

師作念佛三昧詠大勸于時其後天台顓大師著淨土

十疑論弘宣其教周密微妙迷者咸賴焉

柳文龍興寺記

由其

內者聞大師之言律義莫不震動悼懼如聽誓命由其

外者聞大師之言道要莫不悽愀欣踴如獲赦宥

同釋

第一義開不二門

王維集

談玄漸入微

闕

本朝法師說法臨泗州無數天花隨塵尾

坡詩

揮塵空山

亂石聽

同上

戒律

傳記精進持淨戒猶如護明珠

法華經

受諸飲食當如服

藥勿生增減如蜂採花但取其味不損色香

教戒經

律師

持戒自縛

傳燈錄

集閑邪以律

謝靈運作惠遠碑

守律護戒

燕公集

戒月如珠獨潔

麒麟之行

燕公集

究律藏持範之軌峻僧法集止之儀

裴休

碑戒得長天秋月明心如水上青蓮色

李太白

得徑入大

道乘此不退轉

白侍即

恩愛捨骨肉飲食斷腥膻

同上

八戒

堅持用戒脩心

帖白

未及超於解脫且當攝於威儀

上同脩

整觀行尊嚴法容以儀範於後學者以為持律之宗焉

文柳

嗚呼無得而脩故念為實相不取於法故律為大乘

壞衣不飾搗食不味覆薦取役凡出於生物者擯而勿

用不自知其慈攝取調御凡歸於正真者動而成羣不

自知其教萬行方厲一性恒如

文柳

儒以禮立仁義無之

則壞佛以律持定慧去之則喪故離禮於仁義者不可

與言儒異律於定慧者不可與言佛

上同

非獨心長淨衣

無一點塵

姚少監

天與出家腸一食齋不飢

同

既飽心頭

餒不醉聲文酒

王建

年到白頭日行如新戒時

方雄飛

本朝寒守三衣法飢傳一鉢歌

臨川

禪定

史秦王興大營塔寺沙門坐禪者常以千數

通鑑晉安帝紀

魏

王建鹿野浮圖於苑中之西山與禪僧居之

通鑑宋明帝紀

集攝亂以定

謝靈運作惠遠碑

燈影照無睡心清聞妙香

杜

身

猶縛禪寂

禪翕口宴如

苔蘚滿藤鞋

荀鶴

我心無我

亦無君

元微之

禪僧偶向花前定滿樹狂風滿樹花 蓮

花舊是無波水莫逐狂風起浪心

並同上

苦海莫能漂劫

火不能焚

白樂天

乘不退之輪證無生之觀

白帖

密行傳人

少禪心對虎閒

劉長卿

光明偏照智見獨存

王維

禪房空掩

白雲飛

劉文房

禪心三界外宴坐天地中

孟東野

趺座簷前

日焚香竹下煙

王建

老僧齋罷閉門睡不管波濤四面生

羅隱久披山衲壞孤坐石牀寒

文苑英華

始覺禪門氣味長

杜牧

之

本朝老僧獨得無生樂終日焚香坐結跏

歐公集

遽遽未

必都非夢了了方知不落空

坡詩

靜故了羣動空故納萬

境

同上

僧定端居不計年

藥城詩

蒲團布衲一藤床心地虛

明睡自亡

同上

莫怪道人口掛壁桃花燕子自能禪

語錄

參請

傳記洞山云這裏合下得一轉語有一上座語九十六

轉不愜師意

傳燈錄

百千法門同歸方寸河沙妙德總在

心源守清禪師有僧問末後一句師曰塵中人自老天

際月常明問如何是和尚家風曰一餅蕪一鉢到處是

生涯問佛法大意曰擾擾匆匆晨鷄暮鐘

同上

集四時長者頻叅白露之溪三月蒲輪屢問梧桐之水

度信碑

翼亮繼徒發揮元極

陳子昂

彫談全興旨妙辯激玄

津

駱賓王

吾師雨花外

杜詩

欲離煩惱三千界不在禪宗八

萬條

元微之

遍將死苦救人間今因為說無生死

並同上

所

示廣大深迴非造次可諭

韓文與顓師書

由其內者聞大師之

言律義莫不震動悼懼如聽哲命由其外者聞大師之

稱道要莫不悽欵欣踴如獲赦宥柳文傳佛與心 元臣

碩老稽首受教髮童齒毀踴躍執役並同上一言頓悟不

踐初地五師相承授以寶器劉賓客以智月開瞽法鼓破

聾李華塔紀以心傳心天地不知唐蔣防文問者廓然自得佛味

盧所至之邦被蒙法味權載之凡一燈所傳二雨所潤入

法界者不可勝書同上

本朝却為叅禪買得癡臨川禪指未終千偈子坡詩為公分作

無盡燈照破十方昏闇鎖 峴峴玉為骨凜凜霜入齒

法師自有衣中珠不用辛苦泥沙底
萬象入我牟尼珠
機鋒不可觸千偈如翻水
憑師為作鐵門限準

備人間請話人

並同上

修行

傳記晉沙門惠遠於廬山集一時名士高僧會於般若

臺精舍立誓同修淨行俱為佛國之遊

本傳廬山記云因號曰白蓮社

集遣十纏之繫縛祛五惑之塵滓

江總文

室空無侍者巾

屨唯掛壁一飯不願餘跣趺便終夕

柳詩

四祖數十年中

脅不至席

圭峯
禪詮

超悟

傳記虛幻非實身喻芭蕉之形明徹無瑕心學琉璃之

地

白帖

超大塵之境獨步迦羅會一乘之旨隨機化物

聖教

序

五蘊皆空諸漏已盡

高僧傳

手提諸佛直指本來面目

諸方尊宿無能出其右

傳燈錄

永嘉玄覽禪師初謁六祖

問答相契便欲辭去祖留一宿覺

同上

集遂揭無生之筌而時超有漏之句顚潔道行受蓮華

經經極翻三心滅不二形妄緣盡歸真化冥

陳子昂湛心

觀心煉性見性

李邕

四禪合真如一切是虛假

孟浩然

傳千燈于

智種了萬法於真空

李白崇法寺文

真機澄天光獨朗謝垢氣

李白已窮佛根源

韓送文暢詩

外形骸以理自勝不為事物侵

亂

韓文

生而未始來歿而未始往

柳文

脩最上乘解第一義

無體空折色之迹而造乎真源通假有借無之名而入

於實相

永州寺記

脫去穢累超詣覺路

同上

性真悟幻泡行潔

離塵滓

白侍郎

心中眼觀心外相

只有解脫門能度衆

苦厄 以無相為心地以不二為法門 契心則離於

文字得意則假於筌蹄 悟本生不滅之義證心地無

相之宗 拔有漏之身超無量之法

並同上

心臺照耀百

千燈

白贈宗密上人詩

一悟寂為樂此生閒有餘

王維

五蘊本空

六塵非有於多劫來植衆德本於般若力坐菩提家

心主自在萬有皆如頂法真空一乘不立

並同上

中止水

外浮雲

權載之

嘗欲出健美遺名聲不使塵機世想滑湣

靈府

同

情超五濁志悟三昧

劉禹錫

求法不二解空第一

達無量義轉不退輪

李嶠碑

我無生滅隨世緣

李華碑

萬緣

盡空一切不動

李適之禪師法顯碑

光陰難駐跡如客

許用晦

心火

自生還自滅

元微之

因知萬法劫盡與浮雲齊

劉文房

悟色

身無染觀空事不爭道心長日笑覺路幾年行

張承吉見

性覺經繁

姚少監

會理却無我觀空厭有形

孟東野

行高識

遠超悟辨達

唐文粹

從見在身盡未來際

同上

百丈得大用

黃蘗得大機

唐錄

真空洞照熱惱頓盡水其性雲其身

歐陽

周行

本朝浮雲掃盡但掛孤月

坡詩

古佛既手提諸方皆席卷

如蟲得羽化已脫安用繭

同上

具正法眼超然無累於物

樂城集

定力

傳記晉惠遠居廬阜三十餘年影不出山跡不入俗每

送客以虎溪為界

高僧傳廬山記云昔遠師過此虎輒號鳴遂為名焉

身影不落

俗家

釋氏會要

穩披雲衲坐藤床

杜荀鶴

集隆安六年桓溫遣書於惠遠令致敬王者惠遠荅書

論不可致之意又言袈裟非朝廷之服鉢盂非廊廟之

器軍國非沙門之像遂著沙門不敬王者論五篇

惠遠集

三濁四染不能渝其質

崔融律師碑

雙鳥不踐居士之門六

根不染欲界之塵

獨孤及律師銘

八風吹不動

寒山子詩

自負

史釋道安曰彌天釋道安

晉書

傳記晉沙門釋道安自號彌天模楷

三寶記

晉慧遠既入

道常以大法為已任

廬山遠法師傳

僧補朝官

史廬陵王義真欲以慧琳為西像都督

通鑑宋文帝元嘉元年

帝

以慧琳美談論與朝廷大事遂參權要賓客輻輳孔顗

曰遂有黑衣宰相可謂冠履失所矣

同上

傳記隋文帝以沙門彥琮為翻經館學士後始命僧以

事

事物紀原

僧贈諡

史興善寺胡僧不空卒贈開府儀同三司司空謚曰大

辨正廣智不空三藏和尚

通鑑唐太宗大歷十年

傳記後魏太祖時僧法果卒贈老壽將軍謚趙胡靈公

此僧賜謚之始也

事物紀原

僧賜紫

史大唐三年僧惠崇賜紫袈裟

代宗實錄

傳記僧史略曰則天朝僧法朗等賜紫袈裟僧之賜紫

自天后始

事物紀原

集愛僧不愛紫衣僧

鄭谷詩

論法

集大千八毫髮

李太白

說十善法為小乘說四諦法為中

乘說十二因緣法為大乘

白居易與清法師書

未悟病時須去病

已知空後莫依空

白

戒生定定生慧慧生八萬四千法

門

同上

百千聞法咸蒙離垢億萬同會俱證無生

李華浮圖

之教貴空空生普普生慈不求報施之謂空不擇善惡

之謂普不遂困窮之謂慈

劉賓客

其道以無為為有以空

洞為實以廣大不蕩為歸

柳文

性海吾鄉也法界吾宇也

戒為之墉患為之戶以守則固以居則安 動無不虛

靜無不為生而未始來歿而未始往也

同上

度門之教根

於空寂因修以取證階有以及無不踐精深之習而悟

虛無之理者未之有也

權載之文

桑門之患有二焉未得之

患為外見所雜既得之患為內見所縛 十二因緣之

中生死循環憂悲蘊聚非大聖以利刃斷之慈航濟之

則淪胥顛沒之不給矣

同上

積苦為海舉足見溺積邪為

山舉足見礙

文粹

本朝震雷霆之法鼓聾俗知驚整日月之慈燈幽途識

曉

類要

笑謂西來意雖空亦不空

臨川文

萬事都從劫火燒

同上

童子畫沙已具佛智維摩無語猶步二門

東坡

若造法

界本造於心則雖凡夫皆具此理外道壞法如刀截空

壞者既妄護者亦空

論道無大小雖至於大菩薩其

視如來猶若水淵然及其以無所故而得則承蜩意鉤

毀瓦畫墁未有不與如來同者也 爾以捨來我以慈

受各獲其心寶訓誰有

室空無有獨設一榻空毗邪

城奔走竭蹶二士共談心說妙法彈指千偈了無所說
有言皆幻無起不滅問我何為鏤冰雕雪佛以一口
而說千法千佛千口則為幾說我法不然非千非一如
百千燈共焰一室各雖徧滿不相壞雜世人視身如
金玉不旋踵為糞土至人反是予以是知一切法以愛
故常壞以捨故常在學者以成佛為難乎累土畫沙
童子戲也皆足以成佛以為易乎受記得道如菩薩大
弟子皆不任問疾是義安在方其迷亂顛倒流浪苦海

之中一念正真萬法皆具及其塵苦為山九仞之後毫釐差失千劫不復竹中一滴曹溪水漲起西江十八灘未能轉千佛有主還須更有賓不如無鏡自無

塵

並同上

論經

傳記經卷雖小佛口所說

續高僧說

集貝葉傳金口

駱賓王

以正義度無邊以圓教垂無窮莫

尊於妙法蓮花經凡六萬九千五百言證無生忍造不

二門住不可思議解脫莫極於維摩詰經凡二萬七千九十二言攝四生九類入無餘涅槃實無得度者莫先於金剛般若波羅密經凡五千二百八十七言壞罪集福淨一切惡者莫急於佛頂尊勝陀羅尼經凡三千二十言應念順願生極樂土莫疾於阿彌陀經凡一千八百言用正見觀真相莫出於觀音普賢菩薩行法經凡六千九百九十言詮自性本覺莫便於實相法密經凡三千一百五十言空法塵依佛智莫過於般若波羅密

多心經凡二百五十八言是八種經共十二部合一十一萬六千八百五十七言三乘之要指萬佛之秘藏盡矣佛涅槃後世界空虛惟是經與衆生俱設有人書貝葉上藏檀龕中非堅非久如蠟印空假使人刺血為墨剥膚為紙即滅如筆畫水畫水不若文石印蠟不若字金其功不朽其義甚深故吾謂石經功德契如來付囑之心

白傳集

法之至莫尚乎般若經之大莫極乎涅槃

柳文

本朝釋迦以文教其譯於中國必託於儒之能言者然

後傳遠故大乘諸經至楞嚴則委曲精盡勝好獨出者
以房融筆授故也

坡詩

僧寺

史後趙石勒奉佛國人爭造寺廟

通鑑

時佛教盛於洛

陽中國沙門之自外域來者三千餘人魏主別為之立

永明寺千餘間以處之北及延昌州郡共有一萬三千

餘寺

梁武帝天監八年

魏世宗作瑤光寺胡太后又作永寧寺

皆在宮側又作石窟寺於伊闕口皆極土木之美而永

寧尤盛佛殿南門如端門僧房千間珠玉錦繡駭人心

目自佛法入中國塔廟之盛未之有也

天監十五年

元魏自

正光以後寺有三萬餘區

梁高祖

魚朝恩奏以所賜莊為

章敬寺以資章敬太后冥福

唐代宗天歷二年

吐突承瓘領功

德使盛修安國寺奏立聖德碑

唐憲宗元和三年

王智興以上

生日請於泗州置戒壇度僧尼以資福

唐穆宗長慶二年

祠部

奏括天下寺四萬六百蘭若四萬僧尼二十六萬五百

上惡僧尼耗蠹天下欲去之道士趙國真等復勸之乃

先毀山野蘭若至是敕上都東都兩街各留二寺每寺

留僧三十餘人僧及尼大乘穆護祆僧皆勒歸俗僧尼

二十六萬五百人

唐武宗紀

武宗毀招提蘭若四萬

唐食貨志勅

於兩街四寺各置戒壇度人三七日

唐懿宗咸通三年

勅天下

寺院非勅額者悉廢之是歲天下寺院存者二千六百

九十四廢者三萬三百六十三

周世宗顯德三年

傳記尚書御史所止皆曰寺故後代道場及寺宇皆取

其稱焉

應劭風俗通

舍薰國有維摩故宅顯慶中王玄策以

笏量基止有十笏故號方丈室

唐高僧傳

漢明帝於東都門

外立精舍以處攝歷騰然法蘭即白馬寺也騰始自西

域以白馬馱經來初止鴻臚寺遂取寺名初置白馬寺

即僧寺之始也

事物紀原

東晉何充始捨宅安尼之起也

同上

集崇基表剎立禪誦之堂焉

選寺碑

法鼓琅以振響衆香

馥以揚煙

天台賦

傍見精舍開長廊飯僧畢

孟浩然

野寺垂

楊裏

杜詩

野寺殘僧少

上方重閣晚百里見秋毫

野

寺江天豁

杜林蘭若秋風晚

更宿招提境

金剎

青楓外

同上

窈窕青蓮宇

元微之

寺之殿臺與城之樓交錯

相輝綉于碧霄望之如崑閬間物

劉賓客

躋閣謁金像攀

雲叩禪局

韋應物

岩嶢青蓮界

同上

片雲生半壁萬壑遍千

鐘

劉長卿

禪房空掩白雲中

同上

發地結青茅團圓抱空白

山花落幽戶中有忘機客

柳詩

南岳長老代宗名其居曰

般舟道場

同上

招提精舍梵宮祇園淨土並寺名

白帖

松日

明金像苔龕響木魚

司空圖

林是旃檀更無雜樹花惟簷

蔔不嗅餘香

王建

僧居隨處好

溫飛卿

郭裏雲山全占寺

方雄

飛何如一衲塵埃外日日香煙夜夜燈

羅隱

八功德水波

動青蓮之池七寶香花光映黃金之地

唐文粹

蓮花天晝

浮雲卷貝葉宮春好月停

僧皎然詩

本朝青松行盡到山門亂峰深處開方丈已能宴坐老

山中何用聲名傳海上

歐公詩

踈鐘挾谷響悲梵入樵歌

臨川滿院秋光濃欲滴老僧倚杖青松側只怪高聲喚不

應喚人踏破蒼苔色

會要僧寶磨詩又見坡詩注

武宗會昌五年八

月毀招提蘭若四萬餘區

會要

元和二年薛平奏諸請賜

中條山蘭若額為大和寺蓋官賜額者為寺私造者為

招提蘭若杜牧杭州南亭記所謂去其山臺野色四萬

所是也

溫公通鑑考要

夜涼疑有雨院靜似無僧

坡詩

精廬髣髴

類天宮

樂城詩

相貌

集老鶴無衰貌

劉長卿

伏犀挿腦高頰顴

韓退之

哲哲肌骨

松寒玉清

歐陽行周

千燈智慧心片玉清羸顏

同上

道成神氣

閒

劉賓客

靄然之和登於眉宇得其道者不待言說

權載之

生有異表幼無兒戲疑如山立湛如川停舌廣長以覆

準足文理而成字

權載之

山貌自高古

杜牧之

戒臘

集臘數等松椿

賈浪仙

山僧獨在山中老惟有寒松見少

年

劉長卿

披剃

史吳夷狄之國祝髮

穀梁范甯曰祝斷也

後趙石虎奉佛國人削

髮出家

通鑑

魏主親為沙門師賢等下髮以師賢為道人

統

宋文
帝紀

祝髮事浮屠

唐書

傳記投簪落髮委命受業

廬山
記

集行行入幽荒甌駱從祝髮

選景陽
雜詩

慕道尊壞削之儀

劉賓
客

西晉已上不許中國削髮石符亂華乃弛厥禁

事物

紀
原

本朝覆以慚愧之衣落其煩惱之髮

見類
要

住持

集緇徒擁膝迦

孟浩
然

居室方丈名聞大千

劉賓
客

方丈了

無塵

元微之

泣法會主僧盟

白傳集

本朝領袖萬僧

坡詩

結夏

傳記夏時長養之節恐傷折草木踐履生蟲故九十日

安居念道

荆楚歲時記

四月十五日乃法王禁足之晨釋子

護生之日僧尼結夏又謂之結制解夏又謂之解制

同上

本朝休夏巾鉸誰與共

樂城集

浮屠

史魏作永寧寺有金像高丈八尺者一如中人者十玉像二為九層浮圖掘地築臺下及黃泉浮圖高九十丈上刹復高十丈每夜靜鈴鐸聲聞十里

通鑑梁武帝天監十五年

同

泰寺浮屠災上曰此魔也宜廣為法事遂起十二層浮

屠

同上中大同元年

集半雲躋寶塔時望盡京華坐覺諸天近空香逐落花

孟浩然

無憂王之建塔天輒雨花

法苑珠林

本朝魏明帝時於道東造周閣百舍名為官浮屠精舍

見類要

高僧傳曰康僧會赤烏十年至建鄴孫權使求舍

利既得之即為造塔晉帝過江更修飾之此蓋中國造

塔之始也

事物紀原

洛下齊城丹陽會稽並有阿育王塔

類要

佛滅後鐵輪王一夜役鬼神造八萬四千塔

合檢

齋供

史楚王英奉黃練白紉贖罪詔還贖以助伊蒲塞桑門

之盛饌

通鑑東漢明帝紀

竟陵王子良篤好釋氏招致名僧講

論佛法親為衆僧賦食行水

齊武永明二年

高力士作寶壽寺

鐘成作齋以慶之

唐玄宗天寶七載

李太后在封禪寺曰吾嘗

於此飯僧數萬

五代晉少帝開運三年

集真味推飴露衆香惟蒞蘭

文苑英華蔡希寂詩

師弟子

傳記寶林曰佛未涅槃時告迦葉曰吾清淨法眼以付

汝

寶林語錄

衣法相傳以為符印曹溪已後不聞此事

圭峯禪注

沙門釋道安立寺於太行弘贊佛法惠遠徃歸之

廬山記杜

注遠法師傳

達摩謂門人道有得吾骨慧可得吾髓

傳燈錄

集解髻傳珠袖衣授寶

梁陸倕天光寺碑

佛法律梁侯子而入

厥徒烝烝維大教是膺維憲言是徵溥博恢弘如川之

增如雲之興如嶽之不崩終古其承之

柳文

以心傳心天

地不知

唐蔣防文

學徒百人如水歸海由其門而為天人師

者皆脈分焉

劉賓客

雲遊

傳記沙門衣鉢隨身譬如飛鳥

長阿含經

集擁錫來遊

選寺碑

釋子彌天秀獨漢南來

駱賓王

其來也

雲凝其去也風休

韓文送令縱

振錫如飛白玉輕

劉賓客

虛舟

不繫物觀化遊江濱

杖錫閒來往無心到處禪

並同上

誰識往來意孤雲長自閒

劉長卿

振錫而往其心浩然

權載

之遠鶴無前侶孤雲寄太虛

錢起

縱雲孤鶴無留滯定恐

煙霞不放回

方雄飛

去住如雲鶴飄然不可留

同上

閒雲與

孤鶴何天不可飛

僧貫休

九天飛錫四海浮盃

王文席常住日記

緣化捨施

史太后欲造大像使天下僧尼日出一錢以助其功

通鑑

武后

傳記度一人出家勝起寶塔至於梵天

唐弘明功德經

為一切

人之檀越

經律

集一毛之施

白律

勝因化愚慧刀攝慳

劉賓客

不住聲香味

觸法布施故其福德若東南西北四維上下不可思量

矣

張珪諫表

本朝尋山百衲敝過海一盃輕

法照送無著師

修造

集清淮無波平如席欄柱傾扶半天赤火燒磚掃地平
空突兀便高三百尺影沉潭裏龍驚遁當畫無雲跨虛碧

韓詩

構樓架閣切星漢

同上

伐木輦土

柳文

披山伐木崇構法

宇則地得其勝

作精室不命而獻力不忻而薦貨

並同

上

本朝曾遭劫滅壞今遇勝緣脩

臨川

閣浮提國中悉皆歡

喜兜率陀天上如是粧嚴

石敏若文

與士夫交遊

史沙門支遁于時風流勝貴莫不崇敬以為造微之功足參諸正始而遁常重超以為一時之雋甚相知賞

晉郗

超傳

支遁與名士孫綽李光許詢等築室東土與王羲之

同志宴集於會稽山蘭亭

晉書

白居易致仕與香山僧如

滿結香火社每肩輿往來白衣自稱香山居士

唐書

傳記晉惠遠見廬峯清淨足以息心始住龍泉精舍刺史桓伊乃為遠於山東立房殿即東林也絕塵清俗之賓並不期而至彭城劉遺民豫章雷次宗鴈門周續之

新蔡畢穎之南陽宗炳等凡百有二十三人並棄世遺

榮依遠遊止

高僧傳

支遁在白馬寺與劉桑之等談莊子

逍遙羣儒舊學莫不嘆伏

高僧傳

竺道生入廬山七年後

止青園寺王弘范泰顏延之並挹敬風猷從之

高僧傳

遠

法師送客過虎溪虎輒鳴號昔陶元亮居栗里山南陸

修靜亦有道之士遠師嘗送此二人與語道合不覺過

之因相與大笑今世傳二笑圖

廬山記

謝靈運求入淨社

師以心雜止之范甯在豫章師請入社范不能從

廬山記社

主遠法師遠師結白蓮社以書招陶淵明陶曰弟子惟嗜酒

若許飲即往矣遠許之遂造焉因勉令入社陶攢眉而

去廬阜雜記劉遺民慕遠公名德欲白首同社廬山記十賢傳雷

次宗立館東林僧房之東與遠公同社宗炳入廬山

築室與遠同社並同上

集潮州有老僧號大顛頗聰明識道理實能外形骸以

理自勝不為事物侵亂自以為難得因與往來及祭神

至海上遂造其廬及來袁州留衣服為別韓文暢喜為

文章其周遊天下凡有行必請於縉紳先生以求詠歌

其所志

韓文送
文暢序

昔者桑門上首好與賢士大夫遊晉宋

以來有道林道安遠法師休上人其所與遊則謝安石

王逸少習鑿齒謝靈運鮑照之徒

柳文

藩維大臣文武豪

士令縱未始不褰衣負業往造其門下

韓文

他時若寫蘭

亭會莫畫高僧支道林

柳宗元作
徹上人詩

本朝白公在廬山與奏滿朗晦四禪師追遠宗雷之迹

為人外之處

類要

支遁與謝公為山水之遊竺法師與王

文度為死生之約

同上

王羲之在會稽聞支遁名未之信

後遁還剡王詣遁觀其風力謂遁曰逍遙可得聞乎遁

乃作數千言王遂披襟解帶留連不能已乃請住靈喜

寺意存相近

同上

浮圖秘演與吾友石曼卿交最久亦能

遺外世俗以節相交二人歡然無所間曼卿隱於酒秘

演隱於浮屠皆奇男子也然喜為歌詩以自悟一時顯

士皆願從其遊

歐公秘演詩集

惟儼學於佛而通儒術非賢士

不妄交嘗曰吾不妄交人故能得天下士以此一時賢

士多從其遊

歐公惟儼文集序

辨才老師退居龍井不復出入

軾往見之常出至風篁嶺左右驚曰遠公復過虎溪乎

辨才笑曰杜子美不云乎與子成一老往來亦風流

東坡

辨才老師詩前序

佛者惠廬從歐陽公遊三十餘年公常稱之

為聰明才智有學問者尤長於詩

東坡廬上人詩集序

為士大夫崇敬

史沙門支遁于時風流勝貴莫不崇敬以為造微之功

足參諸正始

晉郗超傳

傳記昔謝靈運恃才傲物少所推重一見遠公肅然心

服及寺觀翻涅槃經因鑿為臺植白蓮池中名其臺曰

翻經臺因號白蓮社

廬山記

慧遠法師碑謝靈運撰張野

序

同

姚興欽風德遠愈施桓玄震主不覺致恭

同前社主

遠法師傳

遠公卒張野為序稱門人

廬山記

集歸到雙林親慧遠

唐裴休詩

嘗為遠公傳永懷塵外蹤

孟浩

然詩

詩僧

傳記僧畫字皎然工律詩嘗謂韋蘇州恐體不合乃於

舟中作古體數十篇為贄韋公不稱賞明日寫舊製獻

之韋大嗟嘆

唐因話錄

集人言澄觀乃詩豪一座競吟詩句新韓戰詩無與敵浩

汗橫戈鋌

韓詩送靈師

令縱釋氏之秀者又善為文藩維大

臣文武豪士有尊行美德建功樹業令縱從而為之歌

頌

送令縱

無本於為文身大不及膽

送無本

文暢喜為文章

其周遊天下凡有行必請於縉紳先生以求詠歌其所

志解其裝得所叙詩累百餘篇非至篤好其何能致多

如是耶

送文暢序

多生修律業外學得詩名

張文昌

詩思竹間

得道心松下生

本朝浮屠秘演喜為歌詩以自娛石曼卿尤稱秘演之

作以為雄健有詩人之意

歐公秘演詩集序

惟儼雖學于佛而

通儒術喜為辭章

惟儼集序

閒中用意歸詩筆

臨川

佛者惠

厘從歐陽公游三十餘年公嘗稱之為聰明才智有學

問者尤長於詩

東坡厘上

清言冰玉質壞衲山水紋

後山

圓寂

史佛圖澄卒葬後郭門吏報石季龍云見師攜一履西

去季龍揭其墓唯見一履與一石

趙錄

集識滅形全異凡死

劉賓客

燈續生前火爐添沒後香

錢起

寫留行道影焚却坐禪身塔院關松雪經房鎖隙塵

賈浪

仙寶山枯龍移水涸

呂溫彌阿寺碑

殘經窓下依然在

劉文房

寂

寂靈塔滔滔逝川恒沙劫壞智月常圓

李華碑

宴坐示寂

同化緣既周跌坐報盡

王僧碑

飛鳥無跡去雷罷震

獨孤及律

師銘

千載空雲去

唐文粹

烈烈英風橫飛西土

兩楹夢奠

雙樹變色

同上

海山不是吾歸處歸即應歸兜率天

白居易詩

見太平
廣記

本朝佛圖澄欲使人辭石虎曰猷幻之軀化期已及

見類

要昔本無生今亦無滅

東坡集

隱如寒月墮清晝空有孤

光留故躔

瑩然牟尼歸真于土

霜顱隱白毫鎖骨

埋青玉皆云似達摩隻履還天竺

同上

後魏二十八祖達

摩端居而逝葬熊耳山起塔於定林寺後三歲魏宋雲

奉使西域迴遇師于葱嶺見手攜隻履翩翩獨遊雲間
師曰西天去又謂雲曰汝王已厭世雲聞之茫然別師東
還暨復命即明帝已登遐矣迨孝莊即位雲具奏其事
帝令啟塋惟空棺一隻革履存焉舉朝為之驚嘆奉詔
取遺履於少林寺供養

景德傳
燈錄

茶毗

集薪盡火滅歸真息煨

梁簡文
帝文

身壞口不壞舌根如紅

蓮

白侍
郎

焚却坐禪身

賈浪
仙

本朝玉骨隨薪盡空留一分香

臨川

今年復扣門空房但

颼颼云已滅無餘薪盡火不留

東坡

祭挽

集縑素墜心棟梁落構

李邕碑

紹釋風於西域迴佛日於

東維

李白祭睿和尚

師之度世以定以慧為醫藥師治療一切

白傳集

福智壽膺天下一人靈芝無根霜竹有筠師身是

假師心是真

白傳集

本朝欲向橫堂一揮淚翻思月落不離天

何正平

尼

史太宗崩武氏隨衆感業寺為尼

通鑑唐高宗永徽五年

勅禁私度

僧尼是歲天下尼一萬八千七百五十六

後周世宗顯德二年

傳記僧史略曰漢明帝既聽劉峻出家又聽洛陽婦女

阿潘等出家此蓋中國尼之始也

事物紀原

集大明和尚卒弟子尼無染命僧靈嶼為行狀凡葬大

浮圖未嘗有比丘尼主碑事今無染實來涕淚以求無

染韋氏女世顯貴

抑文

郭代公愛姬薛氏幼嘗為尼白居易

易詩曰頭青眉眼細十四女沙彌步慵行道困起晚誦

經遲應是仙人子

小名仙人子

花官未嫁時

長慶集

生來未掃

眉身輕禮拜穩心慢記經遲

王建集

女釋者

柳文起廢荅

東晉

何允始捨宅安尼此蓋尼寺之起也

事物紀原

本朝盡出花鈿散寶津雲鬟齊剪向殘春

貝葉乍翻

疑軸錦梵音初學誤梁塵從茲艷質成空後湘浦都無

解佩人

詩話

記纂淵海卷八十五